

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808150177, 1808210105 որոշումներն անփոփոխ, իսկ գանգատն առանց բավարարման թողնելու մասին

<<09>> 08 2018թ. 17-4 - 4519

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Արման Բաբայանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արման Բաբայանը դիմումով հայտնել է, որ վարել է «ԹՈՒՖԷՆՔԺԻ ԳՐՈՒՊ» ՍՊ ընկերությանը պատկանող OPEL մակնիշի 897AM61 համարանիշի տրանսպորտային միջոցը և խնդրել ճանապարհային ոստիկանության թիվ 1808150177, 1808210105 որոշումները վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ դիմումատուն չի պահպանել վերոնշյալ իրավանդորդով սահմանված պայմանները, չի ներկայացրել բավարար ապացույցներ «ԹՈՒՖԷՆՔԺԻ ԳՐՈՒՊ» ՍՊ ընկերությունում աշխատելու և նշված տրանսպորտային միջոցը իր կողմից շահագործվելու վերաբերյալ, (աշխատանքային պայմանագիր և տրանսպորտային միջոցի ամրակցման հրաման):

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808150177, 1808210105 որոշումները թողնել անփոփոխ, իսկ գանգատն՝ առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակներն ուղարկել Արման Բաբայանին (հասցեն՝ ք.Երևան, Խաղաղ Դռնի փ., 1/12., 2բն.), վարչական ակտերի՝ հասցեատեր Քարլո Գասպարին (հասցեն՝ ք.Երևան, Արաբկիր 17փ., 252., 28բն.) և ՏՄՀԽԱ կենտրոն:

Կատարող Ս.Ալեքսանյան

Ե.Կարապետյան

